

Gipuzkoako Aldizkari Ofiziala

67. zenbakia**Data 2007-04-04****9433 orria**

7 UDAL ADMINISTRAZIOA

IKAZTEGIETAKO UDALA

Bide publikoaren erabilera eta garbiketa eta herritaren elkarkidetzaren arautzeko ordenantza. Behin betiko onespena.

IKAZTEGIETAGO UDALA

Ikaztegietakoko herritarren elkarbizitza eta bide publikoaren erabilera eta garbiketa arautzen duen udal ordenantza. Behin betiko onespena.

Ikaztegietakoko herritarren elkarbizitza eta bide publikoaren erabilera eta garbiketa arautzen duen udal ordenantza hasierako onarpenaren aurkako erreklamazio edo iradokizunik egon ez denez, Toki Erregimeneko Oinarriak arautzen dituen apirilaren 2ko 7/85 Legearen 49. artikuluan c) azpiatalaren azken paragrafoan zehaztutakoaren arabera, zeinari apirilaren 21eko 11/1999 Legeak gehigarri batzuk erantsi dizkion, Udalbatzak hartutako hasierako onarpena, 2007ko otsailaren 15eko Gipuzkoako ALDIZKARI OFIZIALA 33 zenbakian argitaratutakoa, orain behin-betiko bilakatu da. Hori horrela, Toki Erregimeneko Oinarriak arautzen dituen apirilaren 2ko 7/85 Legearen 70-2 artikuluan aurreikusitakoa betetzearren, aipatutako Araudia argitaratzen da.

Herritarren elkarbizitza eta bide publikoaren erabilera eta garbiketa arautzen duen Udal ordenantza.

I. KAPITULUA. XEDAPEN OROKORRAK

1. artikulua. Xedea.

Ordenantza honek elkarbizitza arauak ezartzea du oinarrizko xede eta baita haiek bakean, askatasunean eta eskubide zein betebeharrerdintasunean bete daitezzen zaintzea ere.

Helburu hori lortzeko, Ordenantza honek elkartasunean eta elkarrekiko errespetuan oinarritutako herritarren talde bizitza arautzeko xedapenak ematen ditu.

2. artikulua. Aplikazio eremua.

Ordenantza hau Ikaztegietakoko udalerrri osoan aplikatuko da, eta herritar zein bisitari guztiek betetzekoa da.

3. artikulua.

Ordenantza honen xedapenak ez betetzea eta ordenantzaren edukiaren ezjakintasunean babestea ez da inorentzat mesedegarri izango.

II. KAPITULUA. JOKABIDE ZIBIKOAZ

4. artikulua. Herri altzariak eta espazio publikoak babestea.

1. Herrian dauden herri altzariak egoki eta behar bezala erabiltzeko obligazioa dute herritar guztiek, altzari horiek errespetatu egin behar dira, ongi kontserbatzeko eta normal erabiltzeko moduan egon daitezzen.

2. Debekatuta dago herri altzariak eta espazio publikoak zikindu eta hondatzen dituzten edo honda ditza-keten ekintzak egitea, eta, bereziki, honako ekintza hauek:

a) Eserlekuak beren erabilera naturalaren aurka erabiltzea; ezin dira zapaldu, ezin dira dauden lekuetatik kendu, ez hautsi, ez zikindu eta, oro har, ezin da haien erabilera kaltetu edo kontserbazioa hondatuko duen ezer egin.

b) Debekatuta dago jokorako tresnak modu txarrean eta kaltetu edo hausteko moduan erabiltzea, haurren-tzako jokoak ezin dituzte erabili ez helduek ez eta, adin txikikoak izan arren, jokoan bertan adierazita datorren adina gainditzen dutenek ere.

c) Debekatuta dago zaborrak, pipak, fruitu lehorren edo antzekoen azalak, txikleak edo paperak zeregin horretarako dauden paperontzietatik kanpo botatzea.

d) Debekatuta dago paperontziak irauli edo beren tokietatik ateratzea, eta baita haien itxura eta osotasuna honda dezaketen beste ekintza guztiak ere.

e) Debekatuta dago hiri hondakineterako paperontzi eta edukiontzietan tresna edo objektu arriskutsuak botatzea.

Ondorio horietarako, tresna edo objektu arriskutsuak izango dira pertsoneri edo ingurumenari kalte egin diezaieketen guztiak, hau da, animaliak eta animalien hondakinak, xiringak eta substantzia estupefazianteak kontsumitzeko tresnak, osasun arretan erabilitako materialak gaixotasunak kutsatu edo zabaldu ditza-ketenean, eta era guztietako droga toxikoak, estupefazianteak eta produktu kimikoak, erradiaktiboak, piroteknikoak, leherkari edo su-emaileak, pila zein bateriak, tresna elektriko zein elektronikoak, pintura ontzi edo aerosolak, bonbilla edo fluoreszenteak.

f) Debekatuta dago iturri publikoetako hodiak, kanilak eta gainerako elementuak manipulatzeko haien funtzionamendu normaletik kanpo.

g) Debekatuta dago herrian dauden zuhaitz zein beste landare, farola, eskultura eta gainerako apaingarriak kaltetuko dituen edozein ekintza edo manipulazio, eta baita elementu horiek hondatzen dituzten ekintzak ere.

h) Debekatuta dago sua eta ekintza piroteknikoak egitea udalaren eta alor horretan eskumena duten administrazioen derrigorrezko baimenik gabe. San Joan bezperako suak eta antzekoak egiteko, udalaren baimena lortu beharko da aurrez jakinarazita.

i) Debekatuta dago animaliei bide publikoko gizakien kontsumorako iturrietatik zuzenean edaten uztea.

j) Debekatuta dago iturri, ibai, erreka edo urmaeletan edo bide publikoan usain txarrak eta eragozpenak sortzen dituzten substantziak botatzea.

5. artikulua. Berriazko debekuak.

1. Debekatuta dago bide publikoan petardoak edo bengalak erabiltzea, eta debekatuta dago edozein motatako objektuak jaurtikitzen dituzten tresna edo gailuak erabiltzea, esate baterako, arkuak, zerbatanak, tiragomak eta bolak botatzen dituzten pistolak.

2. Debekatuta dago oinezkoentzako plazetan eta espaloietan bizikleta, motozikleta, ziklomotor, patin edo beste edozein ibilgailu edo motordun ibilgailutan ibiltzea.

3. Debekatuta dago fatxadetatik aurrera ateratzen diren loreontziak, jardinerak eta abar jartzea, eraikineko berezko elementuek behar bezala eusten ez badiete eta bide publikoko oinezkoiei zein bere ondasunei arriskua eragin badiezazkiekete.

4. Auzokoen atsedena errespetatzeko eta etxean bizikidetza arrunta nahasiko duen zaratarik ez egiteko betebeharra dute herritar guztiek. Arrazoi horregatik, etxe barruan ezin da beste edozein motatako zaratarik

egin –bereziki gaueko 22:00etatik goizeko 08:00ak arteko ordutegian lanegunetan eta goizeko 10:00ak arte jaiegunetan– etxean konponketa material edo mekanikoak, altzari edo etxetresna elektrikoak aldaketak egin behar direnean edo beste edozein arrazoiengatik. Nolanahi ere, horiek ezin izango dituzte 30 dB(A)-ak gainditu harrera puntuan.

5. Patio, terraza, galeria, merkataritza lokal, garaje, balkoi edo beste espazio itxi edo irekietan ezin izango da beren soinu, oihu edo kantuekin, edo beren eginkari fisiologikoak egiten dituztelako auzokoei traba egin edo auzokoak gogaitu ditzaketen animaliarik utzi.

6. Alarma sistema duen edo jartzeko asmoa duen herritar zein enpresa edo komertzio arduradun oro behartuta dago alarma-zentral batekin konektatzera, eta Eusko Jaurlaritzako Herrizaingo Sailak zehaztutako protokoloari jarraitu beharko dio.

6. artikulua. Parke eta lorategi publikoak.

1. Herritarrek herriko parke eta lorategi publikoak errespetatzeko obligazioa dute.

2. Parke, lorategi, parterre eta loreontzietako eta bide publikoan aldatutako landare espezie desberdinak (zuhaitzak, zuhaixkak, belarkiak eta garaiko landareak) ongi kontserbatu eta mantendu ahal izateko, debekatu dago honako ekintza hauek egitea:

a) Landareak lapurtzea (zuhaitzak, zuhaixkak, gramineak eta garaiko landareak).

b) Soropila eta landareak hondatzea edo bertan kanpatzea.

c) Zuhaitzak zein zuhaixkak bota, inausi eta haustea edo haietara igotzea.

d) Zuhaitzen azaletan gauzak idatzi edo margotzea, punta zorrotzak sartzea, zuhaitz horiei eskailerak edo tresnak eta aldamioren euskarriak lotzea eta kartelak jartzea. Saiatu behar da konpainiako animaliek ez dezaten zuhaitzik hautsi.

e) Aldi baterako bada ere, obra materialak zuhaitzetan pilatzea eta haietan edozein produktu toxiko isurtzea. Berdeguneetan materialak pilatu (aldamiaoa jarri) behar izanez gero, baimena eskatu beharko da eta, ondoren, haiek lehen zeuden bezala utzi.

f) Berdeguneetan, haiek hondatzeko edo duten estetika eta erabilera ona kaltetzeko moduko zaborrak, hondakinak, harriak, legarra edo beste edozein produktu botatzea.

g) Soropil eta lorategietan, espaloietan edo oinezkoentzako guneeetan gorotzak uztea.

h) Parke eta lorategietan sua piztea. San Joan bezperako sua egiteko, Ikaztegietako Udalak arautuko ditu mota horretako tradiziozko suak egiteko erabilera eta bete beharreko baldintzak.

i) Bizikleta, motor do ziklomotoretan ibiltzea, hartarako egokitu gabe edo zoleztatu gabe dauden guneeetatik kanpo.

j) Ibilgailuak aparkatzea.

k) Parke eta lorategietan etxeko animaliak aske uztea horretarako egokitu gabe dauden guneeetan.

7. artikulua. Droga eta edari alkoholodunen kontsumoa.

1. Udaltzaingoak berehala konfiskatuko ditu drogak, substantzia estupefazianteak, substantzia psikotropikoak eta legez kanpoko arma eta tresna arriskutsuak.

2. Bide publikoan edari alkoholodunak kontsumitzeari dagokionez, debekatuta dago:

- a) Bide publikoan edari alkoholodunak saldu eta kontsumitzea, terraza edo kanpoko mahaitxoetan izan ezik, baina, nolana ere, dagokion udal lizentzia beharko da.
- b) Ostalaritza establezimenduek kanpoan kontsumitzeko edariak saldu edo hornitzea, ez bada terrazetan edo beharreko udal baimena duten beste instalazio batzuetan kontsumitzeko.
- c) 18 urtetik beherakoei edari alkoholodunak saldu eta hornitzea edo horrelakorik kontsumitzea, bai salmenta lekuetan bai kontsumo lekuetan. Era berean, establezimendu eta komertzioetako arduradunen kontroletik ihes egiteko edari alkoholodunak erosi eta gero adin txikikoei ematen dizkieten pertsona nagusiak adin txikikoei edari alkoholodunak hornitzearen erantzule izango dira.

Segurtasun arrazoiengatik, Udalak baimendutako jendetza handia biltzen duten ikuskizunetan, izaera bereziko ekitaldietan, hala nola txotx garaian, herriko jaietan, inauterietan eta gabonetan, eta bestelako ekintza jendetsuetan, esate baterako kontzertu eta antzekoetan, plastikozko edalontziak erabiliko dira. Ezin da inola ere kristal edo beirazko ontzirik erabili, ez eta lata edo antzekorik ere.

III. KAPITULUA. BIDE PUBLIKOAREN GARBIKETA

8. artikulua.

Herritar guztiek dute, oro har, herria eta, bereziki, espazio publikoak garbi mantentzeko betebeharra.

9. artikulua.

1. Loreontziak edo landareak bide publikora urik bota gabe ureztatuko dira, eta, isurketa saihesteko, ur soberakina jasotzeko ontzia jarriko da.
2. Bide publikora edo jendea joan-etorrian ibiltzen den barne-patioetara ematen duten balkoi, begiratoki edo leihoetatik alfonbrak, erratzak edo zapiak gaueko 21:00etatik goizeko 09:00ak arte soilik astindu ahal izango dira. Lan horiek kalte eta eragozpenik ez sortzeko moduan egingo dira.

10. artikulua.

Debekatuta dago bide publikoa zikin dezakeen edozein jarduera egitea, eta bereziki debekatuta dago:

- Bide publikoan ibilgailuak garbitzea.
- Motorraren olioaldatzea edo bide publikoa zikin dezakeen edozein motatako isurkari manipulazioa.
- Bide publikoan ibilgailuak konpontzea.
- Bide publikoan kaka eta pixa egitea eta txistua botatzea.
- Zaborrak edo hiri hondakinak manipulazioa edo miaztea, eta haiek biltzea oztopa dezakeen jarduerarik egitea: Barreiatzea edo ontziak aldatzea.
- Bide publikora txikleak, zaborrak eta hondakinak botatzea edo bertan uztea.
- Txakur gorozkiak bide publikoetan, jolas parkeetan, lorategietan eta, oro har, apaingarrirako edo jendearen joan-etorriarako den beste edozein lekutan uztea (Animaliak Babestu eta Edukitzeko Udaltzaren Ordenantzak xedatzen duenez, arau hauste hori zigortuta dago).

11. artikulua.

Industria edo merkataritza jarduera batek bere inguruetan edo, terrazen kasuan, baimendutako gunean zikinkeria sortu ohi badu, establezimenduko titularrak garbi eduki beharko du zikindutako bide publikoaren

zattia, dagozkien lizentziei aplikatu beharreko erregimenetik etor daitezkeen neurri zuzentzaile eta gainerako betebeharrei kalterik egin gabe.

12. artikulua.

Erakusleiho, establezimendu, salmenta puntu eta antzekoen garbiketa kontu handiz egingo da, bide publikoa ez zikitzeke moduan; eta bertan dabiltzanei eragozpenik ez sortzeko orduetan egingo da.

Establezimendu itxien jabeek fatxaden apainketaz arduratu beharko dute.

13. artikulua. Toldoak eta pertsianak.

Toldo eta pertsianei dagokienez, Arau Subsidiarioen Ordenantzak xedatutakoa eta (Ikaztegiako Hirigunea Birgaitzeko Plan Bereziak (HHBPB) agindutakoa beteko dute.

Beheko solairuetako lokaletako toldoak eta pertsianak kontserbazio eta garbiketa egoera onean mantenduko dira, eta berriro egingo dira kanpoko itxurak eskatzen duenean.

14. artikulua. Errotuluak, plakak eta gainerako bereizgarriak.

Edozein errotulu, plaka edo bereizgarri bide publiko aldera jartzeko, beharreko lizentzia lortu beharko da; eta plan orokorreko ordenantzak xedatutakoa eta HHBPB-k agindutakoa beteko dute.

Horiek garbi edukiko dira eta hondatuak aldatu egingo dira.

15. artikulua.

Generoa soltean edo edozein materia ontziratu gabe garraiatzen duten ibilgailuak bide publikora isurketarik ez egiteko moduan kargatu eta ekipatuko dira.

16. artikulua. Zamalanak.

1. Edozein ibilgailuren karga eta deskargak egitean zikindutako espaloi eta galtzadak berehala garbituko dira, lan horiek bukatu bezain laster.

2. Garbiketa horiek egiteko obligazioa dute (artikulu honetan eta aurrekoan ezarritakoa) ibilgailuen jabeek eta, subsidiarioki, karga edo deskarga egin den establezimendu edo finkaren titularrek.

Arau orokor gisa, egin beharreko garbiketa inplikaturako jabe edota titularrek egiten ez badute, udal zerbitzuek egingo dute, baina gastuak haiek ordainduko dituzte.

17. artikulua. Erabilera berezi edo pribatiboak ukituriko eremuaren garbiketa.

1. Erabilera arrunt berezi eta pribatiboaren ondorioz bide publikoa zikitzen bada, erabilera horien baimena duten edo esleipendunak diren pertsona fisiko edo juridikoen erantzukizuna izango da. Sortzen dituzten hondakinak bota edo edukitzeko ontzi homologatuak jartzeko eskatu ahal izango die Udalak, eta ontzi horiek garbitu ere egin beharko dituzte.

2. Terraza eta mahaien garbiketari dagokionez, titularrek egin beharko dute ordubeteko epean, establezimendua ixten den unetik aurrera kontatuta. Dena dela, egun osoan garbi eduki beharko dira, garbiketa eta higiene baldintza egokietan, eta, horretarako, erratza pasako da eta garbiketa lanak egingo dira aldian behin.

3. Terrazen kudeaketa hondakinak ez sortzeko moduan egingo da.

18. artikulua.

Finka eta eraikinen jabeek haien elementuen apaindura publikoa gordetzeko obligazioa dute. Fatxaden, sarreren eta, oro har, higiezinak dituen eta bide publikotik ikusten diren arkitektura elementuen zein higiezinaren osagarrien (antenak, tximiniak) garbiketa eta mantentze lana egin beharko dituzte.

IV. KAPITULUA. OBRA PUBLIKOAK GAUZATZEA

19. artikulua.

1. Egiten diren jarduera eta obra guztiek, bide publikoa zikindu ez dadin, beharreko neurriak hartzera behartzen dute titularra, derrigorrezko lizentzietatik datozen baldintzak betetzeaz gain. Era berean, obra horrek ukituriko eremua behar adina aldiz garbitzeko eta sorturiko hondar materialak erretiratzeko obligazioa izango du titularrak.

2. Udalak garbiketa lanak egiteko eskatu ahal izango dio obraren arduradunari.

3. Eraikitze, berritze edo eraiste lanak direnean, obra lizentziaren titularra izango da obra horiek ukituriko bide publikoaren garbiketaren erantzulea.

20. artikulua. Obraren babesak.

1. Zikinkeriarik ez biltzeko, bide publikoa ukitzen duten edo uki dezaketen lanak edo obrak egiten dituzten pertsonak obra hori babestu egin beharko dute inguruan elementu egokiak jarrita, obrako lurra eta soberako materialak baimendutako eremutik edo obra mugatzen duen perimetrotik kanpora isuri eta zabaldu ez daitezela.

2. Debekatuta dago obraren perimetroaren barnean ez dagoen bide publikoan lurra, hondarrak, legarrak eta gainerako materialak uztea, eta baita eusteko eta induskatzeko elementu mekanikoak eta gainerako tresna lagungarriak pilatzea ere, dagokion obra lizentzian udalaren baimen espresak jasotzen ez bada; eta espazio hori beti garbi edukiko da.

3. Lanegun bakoitza bukatzen denean bide publikoan egindako lan eremuak, lubakiak, kanalizazioak eta abar, garbi eta babestuak utziko dira eta jarri beharreko seinaleak jarriko zaizkie istripurik gerta ez dadin, gauerako balizaje elementuak barne.

21. artikulua. Garbiketa plataforma.

1. Obraren eremuan plataforma bat edukiko da, bertan, bide publikora atera aurretik, ibilgailuen gurrupilak eta galtzada zikin dezaketen gainerako elementuak garbitu ahal izateko.

2. Prebentzio hori betetzen ez bada, dagokion zigorra jartzeaz gain, obrako ibilgailu horiei bide publikora ateratzea debekatu egingo die Udaltzaingoak.

22. artikulua. Masaderak.

1. Debekatuta dago masadera-ibilgailuan hormigoia garraiatzea, hormigoia hori bide publikora ez isurtzeko, beharreko gailuaren bidez deskarga-ahoa ixten ez bazaio.

2. Debekatuta dago masaderak bide publikoan eta horretarako egokia ez den beste edozein lekutan garbitzea.

3. Aurreko bi atal horiek betetzen ez badira, ibilgailuaren jabea eta gidaria izango dira erantzuleak, eta erantzule subsidiarioa, berriz, obraren sustatzailea edo zerbitzua ematen dioten jardueraren titularrak. Isurtzen den hormigoia eta ukituriko bide publikoa garbitzeko obligazioa dute. Horrez gain, dagozkien zigorrak jarri ahal izango zaizkie.

23. artikulua. Lurren eta obra-hondakinen garraioa.

1. Lurrak eta obra-hondakinak garraiatzeko ibilgailuek beharreko baldintzak beteko dituzte, bide publikora isurketarik egin ez dezaten.

2. Istripu, iraulketa edo beste edozein gorabeheraren ondorioz karga bide publikora erori edo isurtzen bada, eta bideko segurtasunari begira arriskuak sor baditzake, gidariek ahalik eta azkarren eman beharko diote horren berri Udaltzaingoari, eta, horrekin batera, eroritakoa bildu eta arrisku eremutik kanpo eramaten hasiko dira, garbiketa zerbitzuek eman diezaieketen laguntzaren zain. Nolanahi ere, gorabehera horiek sortutako gastuak ibilgailuen jabeek edo gidariek ordainduko dituzte.

3. Lurrak eta obra-hondakinak garraiatzen dituztenek, ukituriko bide zatia berehala garbitzeko obligazioa dute, karga, deskarga eta garraio lanen ondorioz bide publikoa zikintzen bada.

4. Era berean, edozein unetan kendu behar dituzte, eta Udal Agintariek eskatzen duten guztietan, baimendu gabeko lekuetan isuritako lurrak eta obra-hondakinak. Horrez gain, dagozkien zigorrak jarri ahal izango zaizkie.

V. KAPITULUA. -URBANIZAZIO ETA ORUBEEN GARBIKETA

24. artikulua. Espazio pribatuen garbiketa.

1. Urbanizazio pribatuetako espaloiak, igarobideak, galtzadak, plazak eta lorategiak garbitzeko lana jabeei dagokie.

2. Jabeek etxadietako barne patioak, orube partikularrak, merkataritza galeriak eta antzekoak garbitzeko obligazioa dute.

3. Elementu pribatu horien guztien garbiketa egoeraren kontrola eta ikuskatzea Udalak egingo du eta erantzuleei garbitzeko eskatuko die, zeregin horretarako udal zerbitzuek emandako aginduen arabera.

4. Merkataritza lokalen jabeek, bertan jarduera izan edo ez, beren fatxadak egokituko dituzte eraikinaren apaindura, mantentze eta ezaugarrietara, xede horretan zehaztutako zehaztapenen arabera.

25. artikulua. Orube eta lur pribatuak.

1. Orube eta lurren jabeek zabor eta hondakinik gabe eduki beharko dituzte horiek, eta beharreko osasun, higiene, segurtasun eta apaindura publiko baldintzetan. Era berean, arratoiak eta intsektuak hilko dituzte horretarako baimena duen enpresa baten bidez.

2. Edozein hirigintza jarduketa prozesuan diren eraikin hondatuak behar den bezala itxita edo hesituta egongo dira, bertara haiekin zerikusirik ez duen edonor sar ez dadin.

3. Kapitulu honetako punturen bat betetzen ez bada, Udalak subsidiarioki eta legearen arabera indarrean dauden mugak kontuan hartuta, hartu beharreko neurriak hartuko ditu ondorio horietarako, eta lur horretara sartu ahal izango da aurreko paragrafoetan jasotako helburuz. Sortzen diren kostuak jabeek ordainduko dituzte.

VI. KAPITULUA. -BIDE PUBLIKOAREN OKUPAZIOA

26. artikulua. Irizpide orokorra.

1. Debekatuta dago kontsumorako produktuen banaketa zuzenean bide publikora egiten duten makina banatzaileak udalaren baimenik gabe jartzea.
2. Debekatuta dago bide publikoa erakustegi edo beste edozein objektu motarekin okupatzea dagokion baimenik gabe.

27. artikulua.

Ordenantza honetan araututako helburu komertzialeko jarduerak burutzeko beharrezkoa da alde zuzenetik udal baimena lortzea.

Ez dira onartzen honako publizitate-ekintza hauek:

- a. Ibilgailuen joan-etorria edo oinezkoen segurtasuna arriskuan jar dezakeen iragarki-euskarririk jartzea.
- b. Bide publikoan pintadak edo piktogramak egitea: Galtzadan, zintarran, plazetan, pasealekuetan, zuhaitzetan, faroletan, zutabeetan, etxeko fatxadetan, paretetan...
- c. Guztiz debekatuta daude kola edo antzeko produkturen bat erabiliz itsatsitako iragarkiak. Bai eta udal txeko eta tenpluetako paretetan, bustoetan, monumentuetan, etab. egindakoak ere.

28. artikulua. Publizitatea kentzea.

Publizitatea erakusgai egoteko epea udal baimenean adieraziko da eta, hala egiten ez bada, 5 eguneko izango da, salbu eta hauteskunde kanpainetan, gutxienez 21 eguneko izango baita.

Publizitate instalazioak kendu egin behar dira erakusgai egoteko gehieneko epea bukatzen denean edo iragarkiaren indarraldia bukatzen denean.

Espresuki diseinatutako elementuez baliatuz egindako instalazioak edo lurzoru eta eraikinen gaineko espazio libretik egindakoak berreskuratzeko alde zuzenetik eskaera bat aurkeztu behar du udaletxeko erregistro orokorrean. Eta instalazioa entregatzeko ezinbestekoa izango da exekuzio subsidiarioari dagozkion gastu guztiak ordaintzea. Udalak ez ditu bere gain hartuko instalazioaren narriadura edo egoera txarra.

Udaltzaingoa arduratuko da ordenantza honetan ezarritakoa betearazteaz eta, ikusten badu ordenantza honetan ezarritakoa urratzen duen publizitate instalaziorik dagoela, hura kentzeko agindu behar du. Herri-lanetako lantaldeak desmuntatu eta kenduko ditu publizitate instalazioak eta garbituko ditu kartelak, errotuluak, etab. Zerbitzuetako batzorde informatzaileak, parte jaso ondoren, zigor espedientea abiaraziko du eta iragarkia desmuntatzeak, kentzeak edo garbitzeak sortarazitako gastuen nondik norakoak zehaztuko ditu, gastu horiek arau haustearekin zerikusia duten enpresa edo pertsonen egozteko.

29 artikulua. Kanpatzeak.

1. Ikaztegi-tako udal-erri osoan ezin izango da kanpatu eta kanpin dendak edo horretarako egokitutako ibilgailuak jarri. Era berean, ezin izango da bide publikoan janaria prestatu ezta, ekar dezakeen arriskuagatik, surik edo barbakoarrik egin ere. Salbuespena egingo da aurretik eskatutako eta udalak baimendutako ekitaldietan.

2. Agintaritzaren Agentek bide publikoa okupatzen duten kanpin denden, ibilgailuen edo beste edozein eratako materialen jabe edo erabiltzaileei jokabide hori aldatzeko eskatuko diete, eta dagokien salaketa ere egin diezaiekete. Ezezkoa emanaz gero, edo jabeak edo erabiltzaileak aurkitu ezin badira, Agintaritzaren Agentek beharreko bideak erabili ahal izango dituzte elementu horiek berehala erretiratzeko, eta sortutako gastuak jabeek ordainduko dituzte.

Arau orokor gisa, egin beharreko garbiketa inplikaturako jabe edota titularrek egiten ez badute, udal zerbitzuek egingo dute, baina gastuak haiek ordainduko dituzte.

30. artikulua.

Eraikinen, orubeen, merkataritza lokalen eta bestelakoen eraikitze, berritze edo hobetze lanak egiten dituztenek ezingo dute bide publikoa okupatu, ezta aldi baterako bada ere, aurretik ez badute udal baimenik edo derrigorrezko lizentziarik lortu.

31. artikulua.

Debekatua dago bide publikoan edozein objektu uztea edo pilatzea (horretarako espresuki jarrita dauden egunetan izan ezik, alegia, asteartetan, gaueko 22:00etatik aurrera). Bide publikoan pilatutako edozein objektu udal zerbitzuek eraman ahal izango dute, eta Udalak horren kostuak behar ez den eran utzitako materialaren titularrari ordainaraziko dizkio.

VI. KAPITULUA. ZIGOR ERREGIMENA

32. artikulua. Arau hausteak.

1. Arau hauste administratiboa izango da Ordenantza honek zehaztutako xedapenak ez betetzea eta bertan zehazten diren debekuak urratzea.
2. Alkateak edo hark aukeratutakoak zigortuko ditu Ordenantza honetan xedaturikoaren arau hausteak. Betiere, legeriak baimentzen dituen mugen barnean eta kasu bakoitzean egon litezkeen erantzukizun zibil eta penalez gain.

33. artikulua. Arau hauste motak.

1. Arau hausteak arinak, larriak eta oso larriak izan daitezke, honako hauek kontuan hartuta: Nahita egiten den, zibismo ezaz jokatzeko den, zabarkeria maila, pertsonen osasun eta segurtasunerako arriskua, eragindako kaltearen larritasuna eta arau haustea berriro egitea.
2. Ondorio horietarako, berriro ere arau haustea egin dela ulertuko da arau hausleari aurreko hamabi hilabeteetan behin edo gehiagotan arrazoi berarengatik isuna jarri bazaio.
3. Arau hauste arinak izango dira honako artikulua hauei eginiko arau hausteak:
 - a. 4.2 (a, b, c, f, g, h, i, j).
 - b. 5 (.1, .3, .4, .5, .6).
 - c. 6 (a, b, d, g, h, j).
 - d. Zuhaitzetara igotzea.
 - e. Obrako materialak, aldi baterako bada ere, edozein zuhaitzetan pilatzea.

f. 10, 11, 12, 13, 14, 15, 16, 17, 29.

g. Jabari publikoko ondasunetan kalteak eragitea, kalte horien zenbatekoa 3.000 eurotik gorakoa ez bada.

4. Arau hauste larriak izango dira honako artikulua hauei eginiko arau hausteak:

a. 4.2 (d, e).

b. 7, 19, 20, 21, 22, 23, 24, 25, 26, 30, 31.

c. 28 eta 29. artikuluetan xedatutakoa. Hori guztiaz gain, hartu beharreko neurriak hartu ahal izango dira egindako arau haustearen ondorioak oneratzeko. Kalterik egonez gero, haien erantzukizuna bere gain hartu beharko du enpresa iragarleak, iragarkia jar dadila agindu duen pertsona fisiko edo juridikoak eta, azken batean, iragarkiak jarrita egon diren lur edo higiezinaren jabeak, eta garbitasunari dagozkionak ere bai, subsidiarioki.

d. Jabari publikoko ondasunetan kalteak egitea, kalte horien zenbatekoa 3.000 eurotik gorakoa eta 10.000 eurotik beherakoa bada.

e. Agintaritzaren Agenteek emandako agindu bat ez betetzea, Ordenantza honen zehaztapenak betetzeko eskakizunari loturik badago, baldin eta arau hauste horrek izaera penala ez badu.

f. Arau hauste arin bat behin eta berriro egitea.

5. Arau hauste oso larriak izango dira honako hauek:

a. Oinezkoentzako plazetan eta espaloietan ziklomotolean eta motozikletan, patin motordunetan eta edozein ibilgailu motordunetan ibiltzea.

b. Zuhaitzak eta zuhaixkak botatzea, kimatzea eta haustea edo haiek hil ditzakeen edozein ekintza egitea; eta baita ere plaza, parke eta lorategietan motoan eta ziklomotolean ibiltzea.

c. Zuhaitzetan edozein eratako produktu toxiko isurtzea.

d. Jabari publikoko ondasunetan kalteak egitea, kalte horien zenbatekoa 10.000 eurotik gorakoa bada.

e. Arau hauste larriak behin eta berriro egitea.

32. artikulua. Isunak.

1. Arau hauste arinei 60 eta 750 euro arteko isuna jarriko zaie eta, edozein elementu urbano aldatu behar izanez gero, horren kostua ordainaraziko da.

2. Arau hauste larriei 751 eta 1.500 euro arteko isuna jarriko zaie eta, edozein elementu urbano aldatu behar izanez gero, horren kostua ordainaraziko da.

3. Arau hauste oso larriei 1.501 eta 3.000 euro arteko isuna jarriko zaie eta, edozein elementu urbano aldatu behar izanez gero, horren kostua ordainaraziko da.

Zenbateko horiek dagokion sektore araudiak zehazten dituen isunez gain aplikatuko dira.

4. Ordenantza honen beste edozein ez betetze 60 eta 750 euro arteko isunarekin zigortuko da, isun gisa zenbateko ekonomikoa bereziki zehaztuta ez duten kasuetan, aurreko artikulua honi loturik zehaztutakoaren arabera.

5. Jartzen diren isunak alde batera utzita, behar bezala ordainduko dira jabari publikoko ondasunetan egindako kalteak, eta baita eragindako galerak ere, hori guztia dagokien udal zerbitzuek aurrez ebaluatu ondoren. Kalte eta galera horien zenbatekoa modu betearazlean zehaztuko du isuna jartzeko eskumena duen organoak.

6. Arau hauste larriak edo oso larriak behin eta berriro egiten badira, arau hauslea baimenen eta kontzesioen jabe izateko gaitasunik gabe utzi ahal izango da bat eta hiru urte arteko epean.

33. artikulua. Erantzuleak.

1. Adin txikiko batek Ordenantza honetan xedatutakoa betetzen ez badu, haren gurasoak edo adin txikiko horren zaintzaz arduratzen diren adin nagusiko pertsonak izango dira erantzuleak.

2. Sustatzaileari eta kontratistari dagokie, solidarioki, beren obrek ukitutako bide publikoaren garbiketaren erantzukizuna, karga eta deskarga lanetan eta obretan sartu eta haietatik ateratzean ibilgailuek sortutako zikinkeria barne, hurrengo puntuan zehaztutakoari kalterik egin gabe.

3. 15. eta 22.1 artikuluetan jasotako arau hausteetan jabea eta ibilgailuaren gidaria erantzule solidarioak izango dira.

4. Gainerako kasuetan, Ordenantza honetan jasotakoa pertsonalki urratzen duena izango da erantzulea.

AZKEN XEDAPENA

Ordenantza hau Gipuzkoako ALDIZKARI OFIZIALEAN argitaratu eta handik 15 egunetara jarriko da indarrean.

Ikaztegieta, 2007ko martxoaren 22a.—Alkatea.

(108) (3701)